

Ro Mataana Kana Ta Yoan Ibeede

Ni tau ikam mbotjana ta ki Anutu i piti

1 ¹Sua tau imbotmbot ta mata popoten mi imar, ta amzzo pa. Sua tana iswe Ni tau ikam mbotjana ta ki Anutu i piti. Ni niamjan ambotmbot, mi amlej kat kaljaana, amre kat mbulu kini pa motoyam, mi amteegi pa nomoyam.^a ²Tana mbotjana mata yaryaaraana katuunu, ta ipet mat mi niam amre i kek. Ni ziru Tamaana timbotmbot ta mungu mi imar. Mi ni ipet mat ma amre i, tanata amzzoyaryaara uruunu piom mi ampombolmbol sua kini.^b ³Tana koronj ta niam amre mi amlej kat, ta amzzoyaryaara piom, bekeni niom tomini kagaaba yam mi itijan taparlup ti. Naso itijan Tamanda Anutu tulup ti ma tewe tamen.^c ⁴Sua ti, ambeede ima piom, bekeni itijan lelende ambai ma ambai kat.^d

Tapa pai kiti pa mat leleene

⁵Sua ta amlej la kini, ta amzzoyaryaara piom. Sua ta kembei: Anutu, ni mat katuunu. Tana zugut sa irao be igaabi na som.^e ⁶Tana itiombe toso itijan Anutu taparlup ti, mi tamen takamam zugut ka mbulu, ina tapakaam mi tototo sua nonoono som.^f ⁷Miombe tapa pai kiti pa mat leleene kembei ta Yesu, inako taparlup ti ma tewe tamen, mi Anutu Lutuunu Yesu sinjiini ipus ti pa sanaana kiti ta boozomen ma tengeeze kat.^g

Tawatkaala sanaana kiti pepe

⁸Itiombe toso sanaana sa imbot la lelende som, mi lelende ingeeze men, na tapakaam itundu, mi sua nonoono imbot la lelende som.^h ⁹Miombe teswe sanaana kiti, mi tezem, na irao tapase pa Anutu be ito sua

^a 1:1 Lu 1:2, 24:39; Yo 1:1-14, 20:27; 2Pe 1:16 ^b 1:2 Yo 21:24 ^c 1:3 Yo 17:21

^d 1:4 Yo 15:11 ^e 1:5 Yo 1:9; 2Kor 6:14+; 1Tim 6:16; Yems 1:17 ^f 1:6 1Yo 2:9

^g 1:7 Ibr 9:14; 1Pe 1:19; 1Yo 2:9+; Tur 7:14 ^h 1:8 Ro 3:9-23

kini mbukjana mi ireege piti, mibe ipus ti pa sanaana kiti ta boozomen ma tengeeze. Mi ni iso ikam ta kembei, ina indeenje men.ⁱ ¹⁰Tana iti sombe toso takam sanaana sa som, na sua ki Anutu imbot la leleende som, mi iswe kembei tere Anutu sua kini kembei sua pakaamjana.

Krisi imender piti

2 ¹O lutujan, sua ti, nio anbeede piom, bekeni motoyom ingal ituyom. Kokena kotop pa sanaana. Tamen sombe tomtom tasa itop pa sanaana, na iti lende tomtom ndeengejana ta imendernder piti, mi izzo sua kiti ila ki Tamanda Anutu. Ni Yesu Krisi.^j ²Ni itunu imeete bekeni ireege sanaana kiti mi ikoto Anutu kete malmaljana kini. Mi uraata kini tana, ni ikam piti men som. Ikam pa wal boozomen ta timbot toono na.^k

Matanda ingal be toto tutu ki Krisi

³Iti sombe tototo Krisi tutu kini, na iswe kembei iti tuute i.^l ⁴Mi sombe tomtom sa isombe ni iute Krisi, mi tamen itoto tutu kini som, na mbulu kini tina iswe i kembei ni tomtom pakaamjana, mi sua gonoono imbot la leleene som. ⁵Pa bela tototo sua ki Krisi, to mbulu ki Anutu ta ni iur leleene piti i, iur gonoono. Tana iti sombe takamam ta kembei, na iti tuute: Tewe Krisi lene, mi tesekap la kini kek.^m ⁶Tana sombe tomtom sa iso ni iwe Krisi lene mi isekap la kini, na bela ipa pai kini ma kembei ta Krisi itunu.ⁿ

Tuur leleende pizin tomtom

⁷O niom wal tio, nio ingi anbeede tutu popojana piom som. Pa indeenje ta kuurla mata popoten mi imar na, niom kuute tutu ti. Pa tutu mungujana ti imbot la sua ta tizzo piom mi kelenj kek na.^o ⁸Tamen tutu tingi, ingi popojana tomini. Pa ka mbulu gonoono tau tere ise ki Krisi mi iwedet piom i tomini. Pa ingi zugut ikamam be imap. Mi mat gonoono tau iyaryaara i.^p ⁹Sombe tomtom sa iso ni imbotmbot la mat leleene, mi tamen iurur koi pa tonmatizij sa ta ki Krisi i, ina ni imbot mat leleene som. Ni imbotmbot zugut leleene men.^q ¹⁰Mi tomtom ta sombe iurur leleene pizin tomtom, na ni imbotmbot la mat leleene. Tomtom ta kembei na, iti tuute: Ni ko ikam mbulu sa tabe ikam tomtom toro ma itop pa sanaana i na som.^r ¹¹Tamen tomtom ta sombe iurur koi pa tonmatizij sa ta ki Krisi i, na ni imbotmbot zugut leleene men. Tana ni iwwa lela zugut leleene, mi ikankaana pa zaala tabe ila pa i. Pa zugut izuk mataana kek.^s

ⁱ 1:9 Mbo 32:5, 51:2; Ro 3:26; Yems 5:16 ^j 2:1 Ro 8:34; 1Tim 2:5; Ibr 7:25, 9:24

^k 2:2 Yo 1:29, 11:52; Ro 3:23+, 5:18 ^l 2:3 Yo 13:34+, 14:21, 15:12 ^m 2:5 Yo 14:21,23

ⁿ 2:6 Mt 11:29; Yo 13:15, 15:4+; 1Pe 2:21 ^o 2:7 Yo 13:34+, 15:12 ^p 2:8 Yo 1:9, 8:12;

Ro 13:12; Ep 5:8; 1Tes 5:5,8 ^q 2:9 1Kor 13:2; 2Pe 1:7+ ^r 2:10 Ro 14:13

^s 2:11 Yo 11:10, 12:35; 1Yo 1:5

Tombot molo pa koronj toono kan

¹²O lutujan, sua ti, ingi anjbeede piom paso, Tamanda Anutu ireege sanaana tiom pa Yesu Krisi zaana ma ila lene kek.^t ¹³Mi niom kolman na, anjbeede sua ti ima piom paso, Ni tau imbotmbot ta mata popoten mi imar na, niom kuute i kek. Mi niom nanjanj poponjyom na, anjbeede sua ti ima piom paso, niomnan Tomtom Sanaana koporou ma kilip pini kek.

Lutujan, nio anjbeede sua ti ima piom paso, niom kuute Tamanda Anutu kek.

¹⁴Mi niom kolman na, anjbeede sua ti ima piom paso, Ni ta imbotmbot ta mata popoten mi imar na, niom kuute i kek. Mi niom nanjanj poponjyom na, anjbeede sua ti ima piom paso, niom kemendernder mboljana, mi sua ki Anutu imbol la leleyom, mi niomnan Tomtom Sanaana koporou ma kilip pini kek.^u

¹⁵Toono ti ramaki ka mburu mi mbulu na, kuur leleyom pa pepe. Pa sombe tomtom sa iurur leleene pa koronj toono kan, inako iurur leleene ila ki Tamanda Anutu som.^v ¹⁶Mbulu toono kana na, iti tuute kek: Nindi zze pa koronj kulindi kana, matanda berber pa koronj matakina, mi tapase pa itundu mburanda mi tapakurkur itundu. Mbulu boozomen ta kembei imar pa Tamanda Anutu som. Ina mbulu toono kana men.^w ¹⁷Mi iti tuute: Toono ti ramaki ka mbulu ta tomtom nin zze pa i, ina kola imap. Tamen tomtom ta sombe itoto Anutu leleene, na ni ko imbot ma alok.^x

Krisi ka koi bizin

¹⁸Lutujan, kere yom! Pa ingi mazwaana kaimer kana kek. Munju tiso yom pa sua ta kembei. Tiso: “Kaimer ko Yesu ka koi^y sa ipet.” Mi buri taingi boozomen ta tipet kek. Tana iti tuute: Ingi mazwaana kaimer kana ipet kek.^z ¹⁹Wal tana, munju tigabgaaba iti, mi itijan tuluplup ti ma tombotmbot la mbata. Mi ingi tizem lupjana kiti kek. Tana ko munju iti gaabananda nonono zin som. Pa kena so tizem ti som, mi itijan tombotmbot men lak. Mi ingi som. Tana tere iti. Pa mbulu kizin tana iswe kembei wal pakan ta timbotmbot la lupjana kiti leleene na, gaabananda nonono som.^a

²⁰Tamen niom na, Ni ta Potomjana na, ikam Bubujana mburaana ma isalakaala yom kek. Mi niom ta boozomen kuute sua nonono.^b ²¹Kokena kakam ngar kembei nio anjo niom kakankaana pa sua nonono, tanata

^t **2:12** Lu 24:47; Ijo 4:12, 10:43 ^u **2:14** Ep 6:10 ^v **2:15** Mt 6:24; Ro 12:2; Yems 4:4

^w **2:16** Ro 13:14; Yems 4:16; 1Pe 2:11 ^x **2:17** Mbo 15:5; Mt 7:24; 1Kor 7:31; Yems 1:10+

^y **2:18** Yesu ka koi ti, Grik kaljan tipaata tisombe “Antikrais.” ^z **2:18** Mt 24:5,24;

2Tes 2:3; 1Tim 4:1; 2Pe 2:1; 1Yo 4:3 ^a **2:19** Mbo 41:9; Ijo 20:30 ^b **2:20** 1Kor 2:15;

2Kor 1:21; Ep 1:13

aŋbeede sua ti ima. Na som. Sua ŋonoono, ina niom kuute kek. Mi sua tana irao ipiyooto sua pakaamjana sa som.^c

²² Mi asiŋ ta izzo sua pakaamjana? Ina ni ta iurla ki Yesu som, mi izzo Yesu ni Mesia som. Tomtom ta kembei, ni iwe Kriŋi ka koi. Mi tomtom ta sombe iurla ki Kriŋi som, na ni iurla ki Tamaana som tomini.^d
²³ Pa tomtom ta sombe iurla ki Lutuunu som, na Tamaana tomini ko imbotmbot raami som. Tamen tomtom ta sombe iswe urlaŋana kini ila iwal matan kembei ni iurla ki Lutuunu, ina Tamaana ko imbotmbot raami tomini.^e

²⁴ Tana sua ŋonoono tau tiso piom ta mata popoten mi imar na, motoyom iŋgal be kikiskis ma imbol la leleyom. Naso kesekap la ki Tamanda Anutu ziru Lutuunu ma kombotmbot.^f ²⁵ Mi ina mbotjana ki Anutu ta iseŋge iseŋge ma ila. Muŋgu Yesu itunu imbuk sua be ikam lende mbotjana ta kembei.^g

²⁶ Sua ti, nio aŋbeede piom paso, aŋsombe aŋsope yom pizin wal tau tikamam be tipandelndel yom i. ²⁷ Mi niom na, kakam Bubujana mburaana ma isalakaala yom kek. Mi mburaana tana imbotmbot raama yom men i. Tana zin wal ta tiserseere be tipaute yom na, len uraata sa piom som. Pa Bubujana itunu ko ipaute yom pa koronj ta boozomen. Bubujana tana koronj ŋonoono. Pakaamjana sa som. Tana ŋgar ta so Bubujana ipaute yom pa na, motoyom iŋgal be kikiskis. Naso kesekap la ki Kriŋi ma kombotmbot.^h ²⁸ O lutuŋan, motoyom iŋgal be kesekap la ki Kriŋi ma kombotmbot. Beso ni imiili ma imar mini, na iti ko tomoto i som, kanda miaŋ som, mi toko pini som. Ko nindi se, mi temender la kereene uunu raama lelende ambai.ⁱ

²⁹ Iti tuute: Kriŋi, ni tomtom ndeeŋjana. Tana tomtom ta sombe ikamam mbulu ndeeŋjana men na, tuute: Ni, Anutu ikami ma iwe popojana mi iwe ni lutuunu kek.^j

Anutu lutuunu bizin ko tipa ki Taman

3 ¹ Kere. Tamanda Anutu, ni leleene piti ilip kat. Pa ipaata iti be itunu lutuunu bizin. Mi sua tina, ŋonoono kat. Ni lutuunu bizin ta iti. Tamen wal toono kan tikilaala kat iti som. Paso, tiute Anutu som.^k ² O niom wal tio, koozi iti tewe Anutu lutuunu bizin kek. Mi kaimer ko tewe pareiŋanda, ina takankaana pa. Pa Anutu iswe piti zen. Tamen iti tuute: Kaimer sombe Kriŋi iswe itunu ma imbot mat, mi tere kati, nako tewe kembei ta ni itunu.^l ³ Mi wal boozomen ta so tiurur matan pa mbulu tana

^c 2:21 Ro 15:14 ^d 2:22 1Yo 4:3 ^e 2:23 Yo 5:23, 14:7+, 15:23; 1Yo 4:15, 5:1;

2Yo 9 ^f 2:24 Yo 14:23 ^g 2:25 Yo 6:40, 17:3; 1Yo 5:11 ^h 2:27 Yo 14:26, 16:13+; 1Kor 2:10;

1br 8:10+ ⁱ 2:28 Mk 8:38; 1Yo 4:17 ^j 2:29 Yo 1:12+, 3:3+; Tit 3:5; 1Yo 3:7,9+

^k 3:1 Yo 1:12, 3:16, 16:2+; Ro 8:16 ^l 3:2 Mt 5:8; Ro 8:29; 1Kor 15:49; 2Kor 3:18; 2Pe 1:4

be ipet, inako tiurpewe zitun be lelen mi mbulu kizin inggeeze kembei ni itunu.^m

⁴Wal boozomen ta sombe tikamam sanaana, ina timololo Anutu tutu kini. Pa sombe tomolo Anutu tutu kini, na takam sanaana. ⁵Mi iti tuute: Krisi, ni isu toono bekena ipambiriizi sanaana ma ila lene. Mi ni itunu le sanaana sa som.ⁿ ⁶Tana tomtom ta sombe isekap la kini, inako irao inoknok sanaana kamjana mini som. Mi sombe tomtom sa inoknok sanaana kamjana, na ni ikilaala Krisi som, mi iute i som.^o

⁷Lutujan, kere. Kokena tomtom sa ipandelndel yom. Tomtom ta sombe ikamam mbulu ndeejajana, ta iwe tomtom ndeejajana pa Anutu mataana. Kembei Krisi itunu.^p ⁸Mi sombe tomtom sa inoknok sanaana kamjana, na ni tomtom ki Sadan. Paso, indeeje ta mata popoten mi imar na, Sadan inoknok sanaana kamjana. Tamen Anutu Lutuunu, ni isu toono bekena ireege Sadan uraata kini.^q ⁹Tana tomtom ta sombe Anutu ikami ma iwe popojana mi iwe ni lutuunu kek, inako inoknok sanaana kamjana mini som. Ni ko ipa ki Anutu. Pa Anutu koronj kini imbotmbot la leleene. Tana ni ko irao inoknok sanaana kamjana mini na som. Pa Anutu ikami ma iwe popojana kek.^r ¹⁰Tana iti irao tikilaala Anutu lutuunu bizin mi Sadan lutuunu bizin ta kembei: Sombe tomtom sa ikamam mbulu ndeejajana som, na ni Anutu lutuunu som. Mi sombe tomtom sa iurur leleene pizin tojmatizij ta ki Krisi i som, ina ni tomini Anutu lutuunu som.^s

Lelende par piti

¹¹Pa indeeje ta kuurla mata popoten mi imar na, kelej sua ta kembei: Iti bela tuur lelende par piti.^t ¹²Tana kere yom: Kokena kakam mbulu kembei ta Kain. Pa ni, Tomtom Sanaana ikami ma iwe lene, to imajga mi ipun sorok tiziini Abel ma imeete. Mi ipuni ma imeete pa so uunu i? Ni itunu ikamam mbulu sananjana, mi tiziini na, ikamam mbulu ndeejajana.^u ¹³Tana niom tojmatizij tio, sombe wal toono kan tiurur koi piom, na kakam ngar booze pa pepe.^v ¹⁴⁻¹⁵Iti tuute: Iti tombot la zaala ki meetejana mini som. Ingi tototo zaala toro tabe tombot ambai pa ma alok. Paso, tu'urur lelende pizin tojmatizij ki Krisi. Mi tomtom ta sombe iurur koi pizin tojmatizij kini ta ki Krisi i, na ni imbotmbot men la zaala ki meetejana. Pa tomtom ta kembena, Anutu ire i ma raraate kembei ta tomtom ta ipun tomtom toro ma imeete. Mi niom kuute:

^m 3:3 2Kor 7:1; 1Pe 1:15 ⁿ 3:5 Yesa 53:4+; Yo 1:29; 2Kor 5:21; Ibr 4:15; 1Pe 2:22+

^o 3:6 Ro 6:1-14; 1Yo 2:4 ^p 3:7 Ro 2:13; Ep 5:6; 1Yo 2:29 ^q 3:8 Un 3:15; Yo 8:44, 16:11;

Ibr 2:14 ^r 3:9 Yo 1:13, 3:3+; Ibr 8:10; 1Pe 1:23; 1Yo 5:18 ^s 3:10 Mt 13:38+; 1Yo 2:29, 4:8

^t 3:11 Yo 13:34, 15:12; 1Tes 4:9 ^u 3:12 Un 4:8; Ibr 11:4

^v 3:13 Mt 5:11+; Yo 15:18+, 17:14; 2Tim 3:12

Tomtom ta so ipun tomtom toro ma imeete, na ni ikam mbotjana ta ki Anutu i som.^w

¹⁶Indeeje Yesu Krisi ikam murindi, mi izem itunu ma imeete piti na, iswe kat mbulu kini ta iurur leleene piti. Tana iti tomini bela takam mbulu raraate men, mi tezem itundu mi koronj kiti pizin tonmatizij kiti ta ki Krisi i.^x ¹⁷Tana iti sombe tarao pa koronj ta ki toono ti, mi sombe tere tonmatizij kiti pakan tau timbot noobo, mi tamen tu'uulu zin som, inako mbulu ki tuur lelende pa Anutu mi zin tomtom imbot la lelende be parei? Som.^y ¹⁸Lutujan, kere. Kokena tozzo sorok ma toso iti tuur lelende pizin tomtom, mi tamen takamam ka mbulu som. Pa sombe takam ta kembei, na takam pakaamjana biibi. Bela takam ka mbulu tomini, tona sua kiti iwe koronj jonoono.^z

Koronj pakan tabe ipombol ti ma tomoto Anutu mini som

¹⁹⁻²⁰Tana iti tuur lelende pizin tomtom. Naso iuulu iti be tomoto Anutu mini som. Mi iswe kembei sua jonoono imbol la lelende. Mazwaana pakan, iti tayamaana la lelende kembei mbulu kiti irao pa Anutu mataana som. Ina jonoono. Tamen Anutu, munaigana kini ilip, mi ni iute koronj ta boozomen. Sombe takam ngar pa koronj ru taingi, nako tomoto be tala koloujana pini som.^a

²¹O niom wal tio, sombe tayamaana la lelende kembei koronj sa iwe mbukuunu piti mi Anutu som, inako tomoto be tala koloujana pini som.^b ²²Mi sombe tusunji pa koronj sa, na ni kola ikam piti. Paso, iti tototo ni leleene mi tutu kini tau.^c ²³Mi tutu kini ta ti: Iti bela tuurla ki Lutuunu Yesu Krisi, mi tuur lelende par piti kembei ta Yesu iso piti pa na.^d ²⁴Tomtom ta sombe itoto tutu kini tana, na ni ziru Krisi ko tiparlup zin ma tiwe tamen. Mi Bubujana ta Krisi ikam piti i, ko ikam ti ma tikilaala kembei Krisi, ni imbotmbot raama iti.^e

Bubujana ta imar pa Anutu mi bubujana sananajana

4 ¹O niom wal tio, kere yom. Kokena kakan la sorok sua kizin wal boozomen tau tima mi tiso piom ma tisombe: “Niam ti, Bubujana ta ikamam peeze piam.” Bela kitiiri kat zin mungu, tona kikilaala zin mi kuute: Zin, Anutu ingo zin ma tima, o som? Nio anso paso, wal booze kat ta tiwwa pa toono, mi tipakamkaam ma tizzo sorok kembei zin Anutu kwoono bizin.^f

^w 3:14-15 Mt 5:21+; Yo 5:24; Ga 5:19+; Tur 21:8 ^x 3:16 Yo 3:16, 15:13; Ro 5:8;

Ga 1:4; Ep 5:2,25 ^y 3:17 Lu 3:11; Yems 2:15+ ^z 3:18 Yems 2:14-22; 1Pe 1:22

^a 3:19-20 Mbo 139:1+ ^b 3:21 Ro 5:1; Ibr 4:16, 10:22 ^c 3:22 Mbo 34:15, 145:18;

Mt 7:7+, 21:22; Yo 9:31, 14:13 ^d 3:23 Yo 6:29, 13:34; 1Pe 4:8 ^e 3:24 Yo 14:23, 15:10;

Ro 8:9; 1Yo 4:12+ ^f 4:1 Mt 7:15, 24:24; 1Kor 14:29; 1Tes 5:21; 2Yo 7; Tur 2:2

²Mi Bubujana ta imar pa Anutu na, niom karao be kikilaala uraata kini ta kembei: Wal boozomen ta tiso raama lenen: “Yesu Krisi, ni isu toono ma iwe tomtom,” ina zin tikam Bubujana ta ki Anutu i.⁸ ³Mi zin wal ta sombe tiyok pa sua tana som, na zin tikam bubujana toro tau imar pa Yesu ka koi tau. Bubujana tana, ta mungu tisotaara yom pini, mi ingi ni imar ipet kek.^h

⁴O lutujan, Anutu wal kini ta niom na. Mi niom kokoto wal pakamkaamjan tana ma kilip pizin kek. Pa Bubujana ta imbotmbot la niom leleyom na, mburaana ilip pa bubujana tau izeebe zin wal toono kan.ⁱ ⁵Wal tana, mbulu mi sua kizin iswe zin kembei zin titoto ngar ki toono men. Tanata zin wal ta tikamam ngar ki toono na, lenen be tilejlenj la sua kizin.^j ⁶Mi niam ngojana ki Krisi na, Anutu ta ingo yam. Tana tomtom ta so iute Anutu, nako ilejlenj la sua tiam. Mi zin wal ta so tiute i som, nako tilejlenj la sua tiam som. Ina zaala tabe tikilaala uraata ki Bubujana ta imar pa Anutu mi ipiyotyooto sua gonoono na, mi uraata ki bubujana sananjana ta ipandelndel zin tomtom na.^k

Iti bela tuur lelende pizin tomtom

⁷O niom wal tio, iti ta boozomen bela tuur lelende par piti. Pa ina Anutu mbulu kini gonoono. Tana tomtom ta sombe iurur leleene pizin tomtom, ina Anutu ikami ma iwe popojana mi iwe ni lutuunu kek. Mi ni iute kat Anutu. ⁸Mi sombe tomtom sa iurur leleene pizin tomtom som, na ni iute Anutu som. Pa mbulu ki tuur lelende pizin tomtom, ina Anutu mbulu kini gonoono.

⁹Indeeje ta Anutu ingo Lutuunu tamenjana ma isu toono ti bekeni iwe zaala piti ma takam mbotjana ki Anutu na, Anutu iswe kat mbulu kini ta iurur leleene piti na.^l ¹⁰Mbulu ki tuur lelende pa Anutu, ina ambai. Tamen iti takam kat som. Mi Anutu na, ni iurur kat leleene piti. Kere. Ni leleene isaana piti, mi ingo itunu Lutuunu ma isu toono, bekeni ikam murindi mi imeete pa sanaana kiti.^m

¹¹O niom wal tio, sombe Anutu iur leleene piti ta kembei, na iti tomini, bela tuur lelende par piti.ⁿ ¹²Gonoono, tomtom sa ire kat Anutu pasa zen. Tamen sombe tu'urur kat lelende par piti, ina iswe kembei Anutu imbotmbot raama iti, mi mbulu kini ta iur leleene piti na, iur gonoono piti kek.^o

¹³Iti tuute: Itijan Anutu taparlup ma tombotmbot. Paso, ni ikam Bubujana piti kek.^p ¹⁴Tamanda Anutu, ni ingo Lutuunu ma isu bekeni iwe

^s 4:2 1Kor 12:3; 1Yo 5:1 ^h 4:3 2Tes 2:7; 1Yo 2:18, 2:22; 2Yo 7 ⁱ 4:4 Yo 16:33; 1Yo 5:4 + ^j 4:5 Yo 3:31, 15:19 ^k 4:6 Yo 8:47, 10:26 + ^l 4:9 Yo 3:16; Ro 5:8, 8:32 ^m 4:10 Yo 15:16; Ro 3:24; Tit 3:4 +; 1Yo 2:2 ⁿ 4:11 Mt 18:33; Yo 15:12 + ^o 4:12 Yo 1:18; 1Tim 6:16
^p 4:13 2Kor 1:22

ulaŋa piti tomtom ta tombotmbot toono ti. Mi niam ti, amre kat uraata kini tana, mi amkilaala ka uunu. Tanata ampombolmbol ka sua. ¹⁵Tana sombe tomtom sa iswe urlaŋana kini ila iwal matan ma iso “Yesu, ni Anutu Lutuunu ŋonoono,” inako ziru Anutu tiparlup zin ma tiwe tamen. ¹⁶Mbulu ki Anutu ta iurur leleene piti na, iti tikilaala mi tuurla kek.

Mbulu ki tuur lelende pizin tomtom, ina Anutu mbulu kini ŋonoono. Tana iti sombe tombotmbot la mbulu tana mi tototo, inako itigan Anutu taparlup ti ma tombotmbot.^q ¹⁷Naso mbulu kini tana imbol pa lelende, mi indeeje nol biibi tabe Anutu itiiri iti pa mbulu kiti i, inako tomoto som, mi temender la kereene uunu raama lelende ambai. Paso, indeeje ta tombotmbot su toono na, takamam mbulu ki Kriŋi.^r ¹⁸Sombe tomtom sa ikilaala kat Anutu mbulu kini ta iurur leleene piti tomtom, inako imoto i mini som. Pa motoŋana uunu imbot la ŋgar kiti tau toso Anutu ko iur kadoono sananŋana piti. Mi sombe tomtom sa imototo Anutu men, ina iswe kembei mbulu ki Anutu tau iurur leleene piti tomtom, ina imbol pa tomtom tana leleene zen.

¹⁹Anutu, ni iur leleene piti muŋgu, tanata iti tu'urur lelende pini mi zin tomtom. ²⁰Tana sombe tomtom sa iso ni iurur leleene pa Anutu, mi tamen iurur koi pizin toŋmatiziŋ ta ki Kriŋi i, na ni ipakaam. Pa zin toŋmatiziŋ kini tana na, ni ire kat zin. Tamen Anutu na, tomtom sa irao ire kati som. Tana sombe tomtom sa iurur leleene pizin tomtom som, na ni iurur leleene pa Anutu som tomini. ²¹Tanata Kriŋi ikam tutu tingi piti: Tomtom ta sombe iur leleene pa Anutu, na bela iur leleene pizin toŋmatiziŋ kini ta ki Kriŋi i tomini.^s

Tikiskis urlaŋana kiti, to tilip pa toono mburaana

5 ¹Tomtom ta so iurla ki Yesu kembei ni Mesia, na ni Anutu ikami ma iwe popoŋana mi iwe ni lutuunu kek. Mi tomtom ta sombe iur leleene pa Tamanda Anutu, inako iur leleene pa Anutu lutuunu bizin tomini.^t ²Mi iti tuute: Zaala tabe tuur lelende pa Anutu lutuunu bizin, ina ta kembei: Tuur lelende pa Anutu mi tototo tutu kini. ³Pa zaala tabe tuur lelende pa Anutu i, ina ta kembei: Matanda ingalŋgal tutu kini mi tototo. Mi tutu kini tana ipata piti som.^u ⁴Pa koron boozomen ta Anutu ipiyooto, inako ilip pa toono mburaana. Mi zaala tabe tilip pa toono mburaana na, imbot la urlaŋana kiti.^v ⁵Asiŋ ta iliplip pa toono mburaana? Ina ni ta iurla kembei Yesu, ni Anutu Lutuunu ŋonoono.^w

Mbulu pakan ta iswe kembei Yesu ni Anutu Lutuunu

⁶Yesu Kriŋi, ni isu toono ma iwe tomtom, ikam yok, mi siŋiini ireere ma imeete. Tana ikam yok men som. Ikam yok, mi siŋiini ireere ma

^q 4:16 1Kor 13:13 ^r 4:17 Yems 2:13; 1Yo 2:28, 3:19+ ^s 4:21 Mt 22:39; Yo 13:34+;
Ep 5:2; 1Tes 4:9 ^t 5:1 Yo 1:12+ ^u 5:3 Mt 11:30; Yo 14:15,21+ ^v 5:4 Yo 16:33; Ep 6:16
^w 5:5 Ro 8:37; 1Kor 15:57

imeete. Mi Bubujana ta ipombolmbol ti be tuurla kini. Paso, Bubujana, ni izzo sua ɲonoono men. ⁷Tana koronj tel ta tipombolmbol ti be tuurla ki Yesu, ina ta kembei: ⁸Bubujana Potomjana, mbulu tau ipet pa Yesu indeenje ni ikam yok, mi mbulu tau ipet pini indeenje sigiini ireere ma imeete. Koronj tel tana, ta un tamen mi tipombol Yesu sua kini.

⁹Sua ta tomtom tizzo be tipombol tomtom toro sua kini na, iti takanan la mi toso ina ɲonoono. Mi Anutu sua kini na, ilip pa tomtom sua kizin. Tana sua tau ni iso bekena ipombol Lutuunu sua kini, na iti irao takan la kat.^x ¹⁰Tomtom ta sombe iurla ki Anutu Lutuunu, inako iyamaana la lelene kembei koronj ta ni iurla, ina koronj ɲonoono. Mi sombe tomtom sa iurla kini som, ina ni ire Anutu kembei ni tomtom pakaamjana. Pa sua tau Anutu iso bekena ipombol Lutuunu sua kini na, tomtom tana iurla som.^y ¹¹Sua ta kembei: Mbotjana ki Anutu ta iseenje iseenje mi ila na, Anutu ikam piti kek. Mi itunu Lutuunu ta iwe zaala piti be takam mbotjana tana.^z ¹²Tana tomtom ta sombe ziru Lutuunu tiparlup zin ma timbotmbot, na ni ikam mbotjana ta ki Anutu i kek. Mi tomtom ta sombe ziru Anutu Lutuunu tiparlup zin som, na ni ikam mbotjana ta ki Anutu i som.^a

Mbulu ki sunjana

¹³Sua boozomen taingji, nio anbeede ima piom wal tau kuurla ki Anutu Lutuunu i bekena anpombol yom ma kuute kat ta kembei: Niom kakam mbotjana ta ki Anutu i kek.^b

¹⁴Tana iti tomoto be tusunj Anutu pa kosa sa pepe. Pa sombe tusunji pa koronj sa, mi koronj tana irao pa ni lelene mi ngar kini, na ni ko ileŋ ti pa.^c ¹⁵Iti tuute: Anutu, ni ileŋleŋ sunjana kiti totomen. Tana sombe tusunji pa lende koronj, na ni kola ikam piti.

¹⁶Iti sombe tere toŋmatiziŋ kiti sa ikamam sanaana, mi tamen sanaana kini tana iyembut kati pa Anutu som, na lende uraata be tusunj Anutu be iurpe i, mibe ikami ma imiili mini pa mbotjana ta ki Anutu i. Kokena imbotmbot ta kembei, to kaimer ila lene kat. Mi zin wal tau tipizil kat ndemen pa Krisi, mi lenen be tikiskis sanaana kizin, ina nio anso kan sua som. Pa wal ta kembei na, len zaala sa mini som. Tana zin ko tila len.^d

¹⁷Jonono, sanaana ta boozomen ipasaana iti pa Anutu mataana. Tamen sombe tomtom titooro zin mi tizem sanaana kizin na, zin ko tila len som. Ko timbot ambai.

Sua pemetjana

¹⁸Iti tuute: Tomtom ta sombe Anutu ikami ma iwe popojana mi iwe ni lutuunu kek, nako irao inoknok sanaana kamjana mini som. Pa ni ta

^x 5:9 Yo 5:32+, 8:17+ ^y 5:10 Ro 8:16 ^z 5:11 Yo 1:4, 3:16, 17:3 ^a 5:12 Yo 3:36, 5:24

^b 5:13 Yo 20:31 ^c 5:14 Yo 14:13, 16:23 ^d 5:16 Mt 12:31+; Ibr 6:4+, 10:26+

iyooto pa Anutu na, ko mataana pa tomtom tana. Tana Tomtom Sanaana ko irao be ikiskis tomtom tana na som.^e ¹⁹Mi iti tuute: Anutu ikam ti ma tewe lutuunu bizin kek. Mi tomtom boozomen ki toono ti, na som. Tomtom Sanaana ta ikamam peeze pizin.^f ²⁰Mi iti tuute ta kembei: Anutu Lutuuunu imar isu toono, mi ipei ngar kiti bekena tuute kat Anutu ŋonoono mi tesekap la kini. Mi itiŋan Lutuuunu Yesu Krisi taparlup ti ma tewe tamen kek. Yesu, ni izzo sua ŋonoono men, mi ni Anutu ŋonoono, mi ni ta ikam mbotŋana ki Anutu piti.^g

²¹O lutuŋan, motoyom iŋgal ituyom, mi kombot molo pizin merere pakaamŋan.^h

^e 5:18 Yo 17:15; 1Yo 3:9 ^f 5:19 Ga 1:4 ^g 5:20 Yo 17:3 ^h 5:21 1Kor 10:14; 2Kor 6:16